



百氏文集

十九  
二十

~ 16  
3345  
11





門 16  
號 3345  
卷 11



白氏長慶集卷第十九

唐太子少傅刑部尚書致仕贈尚書右僕射太原  
白居易樂天著

原安二郎氏贈

明後學松江馬元調異甫校

律詩

五言七言自兩韻至四十韻凡一百首

吟元郎中白鬚詩兼飲雪水茶因題壁上

吟詠霜毛句閒管雪水茶城中展眉處只是有元家

吳七郎中山人待制班中偶贈絕句

金馬東門隻日開漢庭待詔重仙才第三松樹非華表

那得遼東鶴下來



白集

卷十九



和張十八祕書謝裴相公寄馬

齒齊臙甲遙切肥也或作臙足毛頭臙祕閣張郎叱撥駒洗了領  
花翻假錦走時蹄汗蹋真珠青衫乍見曾驚否紅粟難  
賒得飽無丞相寄來應有意遣君騎去上雲衢

答山侶

領下髭鬚半是絲光陰向後幾多時非無解挂簪纓意  
未有支持伏臘資冒熱衝寒徒自取隨行逐隊欲何為  
更慙山侶頻傳語五十歸來道未遲

早朝思退居

霜嚴月苦欲明天忽憶閒居思浩然自問寒燈夜半起

何如暖被日高眠唯慙老病披朝服莫慮饑寒計俸錢  
隨有隨無且歸去擬求豐足是何年

曲江亭晚望

曲江岸北凭欄干水面陰生日脚殘塵路行多綠袍故  
風亭立久白鬚寒詩成聞著閒心記山好遙偷病眼看  
不被馬前提省印何人信道是郎官

初除主客郎中知制誥與王十一李七元九三  
舍人中書同宿話舊感懷

閒宵靜語喜還悲聚散窮通不自知已分雲泥行異路  
忽驚雞鶴宿同枝紫垣曹署榮華地白髮郎官老醜時



莫怪不如君氣味此中來校十年遲

西省對花憶忠州東坡新花樹因寄題東樓

每看闕下丹青樹不忘天邊錦繡林  
西掖垣中今日眼南賓樓上去年心  
花含春意無分別物感人情有淺深  
最憶東坡紅爛熳野桃山杏水林檎

寄題忠州小樓桃花

再遊巫峽知何日揔是秦人說  
向誰長憶小樓風月夜紅欄干外兩三枝

中書連直寒食不歸因憶元九

去歲清明日南巴古郡樓今年寒食夜  
西省鳳池頭併

上新人直難隨舊伴遊誠知視草貴  
未免對花愁鬢髮莖莖白光陰寸寸流  
經春不同宿何異在忠州

春憶二林寺舊遊因寄郎滿晦三上人

一別東林三度春每春常似憶親情  
頭陀會裏為逋客供奉班中作老臣  
清淨久辭香火伴塵勞難索幻泡身  
最慙僧社題橋處十八人名空一人

和元少尹新授官

官穩身應泰春風信馬行縱忙無苦事  
雖病有心情厚祿兒孫飽前驅道路榮  
花時八入直無暇賀元兄

朝廻和元少尹絕句



白集 卷六  
朝客朝回回望好，盡紆朱紫佩金銀。此時獨與君爲伴，馬上青袍唯兩人。

重和元少尹

鳳閣舍人京亞尹，白頭俱未著緋衫。南宮起請無消息，朝散何時得入銜。

中書夜直夢忠州

閣下燈前夢巴南，城裏遊覓花來渡口。尋寺下山頭，江色分明綠猿聲。依舊愁禁鐘驚睡，覺唯不上東樓。

醉後

酒後高歌且放狂，門前閒事莫思量。猶嫌小戶長先醒，

不得多時住醉鄉。

待漏入閣書事奉贈元九學士閣老

衙排宣政仗，門啓紫宸關。彩筆停書命，花輓趣立班。稀星點銀燭，殘月墮金環。闇漏猶傳水，明河漸下山。從東分地色，向北仰天顏。碧縷爐煙直，紅垂珮尾閒。綸闈暫並入，翰苑忝先攀。笑我青袍故，饒君茜倉見切染紅草也綬殷詩仙歸洞裏，酒病滯人間。好去鴛鴦侶，冲天便不還。

晚春重到集賢院

官曹清切非人境，風日鮮明是洞天。滿砌荆花鋪紫毯，吐敢隔牆榆莢撒青錢。前時謫去三千里，此地辭來十



四年虛薄至今慙舊職院名擡舉號為賢

紫薇花

絲綸閣下文書靜鐘鼓樓中刻漏長獨坐黃昏誰是伴  
紫薇花對紫薇郎

後宮詞

雨露由來一點恩爭能遍布及千門三千宮女胭脂面  
幾箇春來無淚痕

卜居

遊宦京都二十春貧中無處可安貧長羨蝸牛猶有舍  
不如願鼠解藏身且求容立錐頭地免似漂流木偶人

但道吾廬心便足敢辭湫隘與囂塵

題新居寄元八

青龍岡北近西邊移入新居便泰然冷巷閉門無客到  
煖簷移榻向陽眠階墀寬窄纔容足墻壁高低粗及肩  
莫羨昇平元八宅自思買用幾多錢

登龍尾道南望憶廬山舊隱

龍尾道邊來一望香爐峯下去無因青山舉眼二千里  
白髮平頭五十人自笑形骸紆組綬將何言語掌絲綸  
君恩壯健猶難報况被年年老逼身

馮閣老處見與嚴郎中酬和詩因戲贈絕句



乍來天上宜清淨不用回頭望故山縱有舊遊君莫憶  
塵心起即墮人間

見于給事暇日上直寄南省諸郎官詩因以戲

贈

倚作天仙弄地仙誇張一日抵千年黃麻敕勝長生錄  
白紵詞嫌內景篇雲彩誤居青瑣地風流合在紫微天  
東曹漸去西垣近鶴駕無妨更著鞭

題新昌所居

宅小人煩惱泥深馬鈍頑街東閒處住日午熱時還院  
窄難栽竹墻高不見山唯應方寸內此地覺寬閒

西省北院新構小亭種竹開窓東通騎省與李  
常侍隔窓小飲各題四韻

結託白鬢伴因依青竹叢題詩新壁上過酒小窓中深  
院晚無日虛簷涼有風金貂醉看好回面紫垣東

酬元郎中同制加朝散大夫書懷見贈

命服雖同黃紙上官班不共紫垣前青衫脫早差二日  
白髮生遲校九年曩者定交非勢利老來同病是詩篇  
終身擬作臥雲伴逐月須收燒藥錢五品足為婚嫁主  
緋袍著了好歸田

初著緋戲贈元九



晚遇緣才拙先衰被病牽那知垂白日始是著緋年身  
外名徒爾人閒事偶然我朱君紫綬猶未得差肩

和韓侍郎苦雨

潤氣凝柱礎繁聲注瓦溝閣留窓不曉涼引簾先秋葉  
濕蟬應病泥稀燕亦愁仍聞放朝夜誤出到街頭

連雨

風雨閣蕭蕭雞鳴暮復朝碎聲籠苦竹冷翠落芭蕉水  
鳥投簷宿泥蛙入戶跳仍聞蕃客見明日欲追朝

初加朝散大夫又轉上柱國

紫微今日煙霄地赤嶺前年泥土身得水魚還動鱗鬣

乘軒鶴亦長精神且慙身忝官階貴未敢家嫌活計貧  
柱國勲成私自問有何功德及生人

行簡初授拾遺同早朝入閣因示十二韻

夜色尚蒼蒼槐陰夾路長聽鐘出長樂傳鼓到新昌宿  
雨沙隄潤秋風樺胡卦切燭香馬驕欺地軟人健得天涼  
待漏排闥闔停珂擁建章爾隨黃閣老吾次紫微郎並  
入連稱籍齊趨對折方闕班花接萼綽立鴈分行近職  
誠為美微才豈合當綸言難下筆諫紙易盈箱老去何  
僥倖時來不料量唯求殺身地相誓答恩光

立秋日登樂遊園



獨行獨語曲江頭，回馬遲遲上樂遊。  
蕭颯涼風與衰鬢，誰教同會一時秋。

新秋早起有懷元少尹

秋來轉覺此身衰，晨起臨階盥漱時。  
漆匣鏡明頭盡白，銅餅水冷齒先知。  
光陰縱惜難留住，官職雖多得已遲。  
老去相逢無別計，強開笑口展愁眉。

夜箏

紫袖紅絃明月中，自彈自感闇低容。  
絃凝指咽聲停處，別有深情一萬重。

妻初授邑號告身

弘農舊縣授新封，鈿軸金泥誥一通。  
我轉官階常自愧，君加邑號有何功。  
花牋印了排窠濕，錦標裝來耀手紅。  
倚得身名便慵墮，日高猶睡綠窓中。

送客南遷

我說南中事君應，不願聽曾經身困苦。  
不覺語丁寧燒處，愁雲夢波時憶洞庭春。  
奮煙勃勃秋瘴露冥冥，蚊蚋經交活魚龍欲雨腥。  
水蟲能射影山鬼解藏形，穴掉巴蛇尾林飄鳩鳥翎。  
颶風千里黑，徐廉切草四時青。  
客似驚弦鴈，舟如委浪萍。  
誰人勸言笑，何計慰漂零。  
慎勿琴離膝，長須酒滿瓶。  
大都從此去，宜醉不宜醒。



暮歸

不覺百年半何曾一日閒朝隨燭影出暮趁鼓聲還甕裏非無酒牆頭亦有山歸來常困臥早晚得開顏

寄遠

欲忘忘未得欲去去無由兩腋不生翅一毛空滿頭坐看新落葉行上最高樓暝色無邊際茫茫盡眼愁

舊房

遠壁秋聲蟲絡絲入簷新影月低眉牀帷半故簾旌斷仍是初寒欲夜時

錢侍郎使君以題廬山草堂詩見寄因酬之

殷勤江郡守悵望掖垣郎慙見新瓊什思歸舊草堂事隨心未得名與道相妨若不休官去入閒到老忙

寄山僧時年五十

眼看過半百早晚掃巖扉白首誰留住青山自不歸百千萬劫障四十九年非會擬抽身去當風抖擻衣

慈恩寺有感時杓直初逝居敬方病

自問有何惆悵事寺門臨入却遲迴李家哭泣元家病棟葉紅時獨自來

酬嚴十八郎中見示

口厭含香握厭厭蘭紫薇青瑣舉頭看忽驚鬢後蒼浪髮



未得心中本分官，夜酌滿容花色暖。秋吟切骨玉聲寒，  
承明長短君應入，莫憶家江七里灘。

寄王祕書

霜菊花萎日風梧葉碎，時怪來秋思苦。綠詠祕書詩，

中書寓直

繚繞官牆圍禁林，半開閨闔曉沉沉。天晴更覺南山近，  
月出方知西掖深。病對詞頭慙彩筆，老看鏡面愧華簪。  
自嫌野物將何用，土木形骸麋鹿心。

自問

黑花滿眼絲滿頭，早衰因病病因愁。宦途氣味已諳盡，

五十二不休何日休

曲江獨行招張十八

曲江新歲後，水與冰相和。南岸猶殘雪，東風未有波。偶  
遊身獨自相憶，意如何。莫待春深去，花時鞍馬多。

新居早春二首

靜巷無來客，深居不出門。鋪沙蓋苔面，掃雪擁松根。漸  
暖宜閒步，初晴愛小園。覓花都未有，唯覺樹枝繁。  
地潤東風暖，閒行蹋草芽。呼童遣移竹，留客伴嘗茶。雷  
滴簷水盡，塵浮隙日斜。新居未曾到，隣里是誰家。

新昌新居書事四十韻因寄元郎中張博士



官寵已三遷歸朝始二年囊中貯餘俸園外買閒田狐  
兔同三徑蒿萊共一壥新園聊刻穢舊屋且扶顛簷漏  
移傾瓦梁欹換蠹椽平治遠臺路整頓近階甃巷狹開  
容駕墻低壘過肩門閭堪駐蓋堂室可鋪筵丹鳳樓當  
後青龍寺在前市街塵不到宮樹影相連省吏嫌坊遠  
豪家笑地偏敢勞賓客訪或望子孫傳不覓他人愛唯  
將自性便等閒栽樹木隨分占風煙逸致因心得幽期  
遇境率松聲疑澗底草色勝河邊虛潤水銷地晴和日  
出天苔行滑如鞦韆坐軟於懸簾每當山卷帷多待月  
褰籬東花掩映窓北竹嬋娟迹慕青門隱名慙紫禁仙

假歸思晚沐朝去戀春眠拙薄才無取疎慵職不專題  
璫書命筆沽酒率分錢栢杵春靈藥銅瓶漱坂泉爐香  
穿蓋散籠燭隔紗然陳室何曾掃陶琴不要絃屏除俗  
事盡養活道情全尚有妻孥累猶爲組綬終須拋爵  
祿漸擬斷腥羶大抵宗莊叟私心事竺乾浮榮水劃字  
真諦火生蓮梵部經十二玄書字五千是非都付夢語  
默不妨禪博士官猶冷郎中病已痊多同僻處住久結  
靜中緣緩步攜筇杖徐吟展蜀箋老宜閒語話悶憶好  
書篇蠻榼來方瀉蒙茶到始煎無辭數相見鬢髮各只蒼  
然



喜敏中及第偶示所懷

自知羣從為儒少，豈料詞場中第頻。  
 楊穿三葉盡驚入，始予進士及第行簡轉於文墨須留  
 意，貴向煙霄早致身。敏中又次之莫學爾兄年五十，蹉跎始得掌絲  
 綸。

久不見韓侍郎戲題四韻以寄之

近來韓閣老疎我，我心知戶大嫌甜酒才高。  
 吟乘月夜閒醉曠花時，還有愁同處春風滿鬢絲。

寄白頭陀

近見頭陀伴，云師老更慵。性靈閒似鶴，顏狀古於松。

裏猶難覓，人間豈易逢。仍聞移住處，太白最高峯。

和韓侍郎題楊舍人林池見寄

渠水閣流春凍解，風吹日炙不成疑。  
 二月因何更有水，勤政樓西老柳

偶題閣下廳

半朽臨風樹，多情立馬人。開元一株柳，長慶二年春。

靜愛青苔院

深宜白髮翁，貌將松共瘦。心與竹俱空，暖  
 有低簷日。春多颺幕風，平生閒境界。盡在五言中。

予與故刑部李侍郎早結道友，以藥術為事，與



故京兆元尹晚為詩侶有林泉之期周歲之  
閒二君長逝李住曲江北元居昇平西追感  
舊遊因貽同志

從吳季來傷道氣自亡元後減詩情金丹同學都無益  
水竹隣居竟不成月夜若為遊曲水花時那忍到昇平  
如年七十身猶在但恐傷心無處行

送馬舍人閣老往襄陽

紫微閣底送君回第二廳簾下不開莫戀漢南風景好  
峴山花盡早歸來

莫走柳條詞送別

南陌傷心別東風滿把春莫欺楊柳弱勸酒勝於人

酬韓侍郎張博士雨後遊曲江見寄

小園新種紅櫻樹閒遶花枝便當遊何必更隨鞍馬隊  
衝泥蹋雨曲江頭

元家花

今日元家宅櫻桃發幾枝稀稠與顏色一似去年時  
却東園主春風可得知

代人贈王員外

好在王員外平生記得不共賒黃叟酒同上莫愁樓  
靜接殷勤語狂隨爛熳遊那知今日眼相見冷於秋



惜小園花

曉來紅萼凋零盡，但見空枝四五株。前日狂風昨夜雨，殘芳更合得存無。

蕭相公宅遇自遠禪師有感而贈

官途堪笑不勝悲，昨日榮華今日衰。轉似秋蓬無定處，長於春夢幾多時。半頭白髮慙蕭相，滿面紅塵問遠師。應是世間緣未盡，欲拋官去尚遲疑。

草詞畢遇芍藥初開因詠小詩紅藥當堦翻詩

以為一句未盡其狀偶成十六韻

罷草紫泥詔起吟紅藥詩詞頭封送後化口拆開時

對鉤簾久行觀步履遲，兩二叢爛熳。一葉參差背日房，微斂當階朵。旋敬釵，草抽碧股粉。葉撲黃絲，動蕩情無限。低斜力不支，周迴看未足。比論語難為句，漏丹砂。裏焦僥火焰旗，彤雲積根蒂。絳幘欠纓綉，況有晴風度。仍兼宿露垂，凝香熏菴畫。似淚著胭脂，有意留連我。無言怨思誰應愁，明日落如恨。隔年期，茵茵泥連蔓。玫瑰音梅魂暗刺繞枝等量無勝者，唯眼與心知。

喜張十八博士除水部員外郎

老何歿後吟聲絕，雖有郎官不愛詩。無復篇章傳道路，空留風月在曹司。長嗟博士官猶屈，亦恐騷人道漸衰。



今日聞君除水部喜於身得省郎時  
與沈楊二舍人閣老同食敕賜櫻桃翫物感恩

因成十四韻

清曉趨丹禁紅櫻降紫宸驅禽養得熟和葉摘來新  
圓轉盤傾玉鮮明籠透銀內園題兩字西掖賜三臣  
榮感晶華赤醞醜氣味真如珠未穿孔似火不燒人  
杏俗難為對桃頑詎可倫肉嫌盧橘厚皮笑荔枝  
皺瓊液酸甜足金丸大小勻偷須防曼倩惜莫擲  
安仁手擘纒離核匙抄半是津甘為舌上露暖作  
腹中春已懼長刀祿仍驚數食珍最慙恩未報飽  
餒不才身

送嚴大夫赴桂州

地壓坤方重官兼憲府雄桂林無瘴氣栢署有清風  
山水衙門外旌旗艮音音中大夫應絕席詩酒與誰同

春夜宿直

三月十四夜西垣東北廊碧梧葉重疊紅藥樹低昂  
月砌漏幽影風簾飄閣香禁中無宿客誰伴紫薇郎

夏夜宿直

人少庭宇曠夜涼風露清槐花滿院氣松子落階聲  
寂寞挑燈坐沉吟蹋月行年衰自無趣不是厭承明

七言十上句贈駕部吳郎中七兄

時早夏朝歸  
閉齋獨處偶



題此

四月天氣和且清綠槐陰合沙堤平獨騎善馬銜燈穩  
初著單衣肢體輕退朝下直少徒侶歸舍閉門無送迎  
風生竹夜窓間臥月照松時臺上行春酒冷嘗三數盞  
曉琴閒弄十餘聲幽懷靜境何人別唯有南宮老駕兄

玉真張觀主下小女冠阿容

綽約小天仙生來十六年姑山半峯雪瑤水一枝蓮晚  
院花留立春窓月伴眠迴眸雖欲語阿母在傍邊

龍花寺主家小尼

郭代公愛姬薛氏幼子  
嘗為尼小各仙人子

頭青眉眼細十四女沙彌夜靜雙林怕春深一食飢步

慵行道困起晚誦經遲應似仙人子花宮未嫁時

訪陳二

曉垂朱綬帶晚著白綸巾出去為朝客歸來是野人兩  
殮聊過日一榻足容身此外皆閒事時時訪老陳

晚庭還涼

送客出前後移牀下砌初趁涼行繞竹引睡臥看書老  
更為管拙慵多向事疎松窓倚藤杖人道似僧居

曲江憶李十一

李君歿後共誰遊柳岸荷亭兩度秋獨遶曲江行一匝  
依前還立水邊愁



江亭翫春

江亭乘曉閣衆芳春妍景麗草樹光日消石柱綠嵐氣  
風墜未蘭紅露漿水蒲漸展書帶葉山榴半合琴軫房  
何物春風吹不變愁人依舊鬢蒼蒼

聞夜砧

誰家思婦秋擣帛月苦風淒砧杵悲八月九月正長夜  
千聲萬聲無了時應到天明頭盡白一聲添得一莖絲

板橋路

梁苑城西二十里一渠春水柳千條若爲此路今重過  
十五年舊板橋曾共玉顏橋上別不知消息到今朝

青門柳

青青一樹傷心色曾入幾人離恨中爲近都門多送別  
長條折盡減春風

梨園弟子

白頭垂淚語梨園五十年前雨露恩莫問華清今日事  
滿山紅葉鎖宮門

暮江吟

一道殘陽鋪水中半江瑟瑟半江紅可憐九月初二夜  
露似真珠月似弓

思婦眉



春風搖蕩自東來折盡櫻桃綻盡梅  
惟餘思婦愁眉結無限春風吹不開

怨詞

奪寵心那慣尋思倚殿門不知移舊愛  
何處作新恩

空閨怨

寒月沉沉洞房靜真珠簾外梧桐影  
秋霜欲下手先知燈底裁縫剪刀冷

秋房夜

雲露青天月漏光中庭立久却歸房  
水窓席冷未能臥挑盡殘燈秋夜長

採蓮曲

菱葉紫波荷颭風荷花深處小船通  
逢郎欲語低頭笑碧玉搔頭落水中

隣女

娉婷十五勝天仙白白姮胡登切娥  
旱地蓮何處聞教鸚鵡語碧紗窓下繡牀前

閨婦

斜凭繡牀愁不動紅綃帶緩綠髮低  
遼陽春盡無消息夜合花前日又西

移牡丹栽



金錢買得牡丹栽，何處辭叢別主來。紅芳堪惜還堪恨，百處移將百處開。

聽夜箏有感

江州去日聽箏，夜白髮新生。不願聞如今，况是頭成雪。彈到天明亦任君。

代謝好妓答崔員外

青娥小謝娘，白髮老崔郎。謾愛胸前雪，其如頭上霜。別後曹家碑背上，思量好字斷君腸。

琵琶

絃清撥利語錚錚，背却殘燈就月明。願是心無惆悵事，

不然爭奈子絃聲。

和殷協律琴思

秋水蓮冠春草裙，依稀風調似文君。煩君五指分明語，知是琴心伴不聞。

寄李蘇州兼示楊瓊

真娘墓頭春草碧，心奴鬢上秋霜白。為問蘇臺酒席中，使君歌笑與誰同。就中猶有楊瓊在，堪上東山伴謝公。

聽彈湘妃怨

玉軫朱絃瑟瑟微，吳娃徵調奏湘妃。分明曲裏愁雲雨，似道蕭蕭郎不歸。

江南新詞有二云暮雨蕭蕭郎不歸



閒坐

煖擁紅爐火閒搔白髮頭百年慵裏過萬事醉中休有  
室同摩詰無兒比鄧攸莫論身在日身後亦無憂

不睡

焰短寒缸盡聲長曉漏遲年衰自無睡不是守三尸

白氏長慶集卷第十九終

白氏長慶集卷第二十

唐太子少傅刑部尚書致仕贈尚書右僕射太原

白居易樂天著

明後學松江馬元調異甫校

律詩

五言七言凡一百首

初罷中書舍人

自慙拙宦叨清貴還有癡心怕素殮或望君臣相獻替  
可圖妻子免飢寒性疎豈合承恩久命薄元知濟事難  
分寸寵光酬未得不休更擬覓何官

宿陽城驛對月

自此後詩赴杭州路中作



親故尋回駕妻孥未出關鳳皇池上月送我過商山

商山路有感 并序

前年夏予自忠州刺史除書歸闕時刑部李十一侍郎  
戶部崔二十員外亦自灃果二郡守徵還相次入關皆  
同此路今年予自中書舍人授杭州刺史又由此途出  
二君已逝予獨南行追歎興懷慨然成詠後來有與予  
杓直虞平游者見此短什能無惻惻乎儻未忘情請為  
繼和長慶二年七月三十日題於內鄉縣南亭云爾  
憶昨徵還日三人歸路同此生都是夢前事旋成空杓  
直泉埋玉虞平燭過風唯殘樂天在頭白向江東

重感

停驂歇路隅重感一長吁擾擾生還死紛紛榮又枯困  
支青竹杖閒捋白髭鬚莫歎身衰老交游半已無

逢張十八員外籍

旅思正茫茫相逢此道傍曉嵐林葉闇秋露草花香白  
髮江城守青衫水部郎客亭同宿處忽似夜歸鄉

赴杭州重宿棣華驛見楊八舊詩感題一絕

往恨今愁應不殊題詩梁下又踟躕羨君猶夢見兄弟  
我到天明睡亦無

寓言題僧



劫風火起燒荒宅苦海波生蕩破船力小無因救焚溺  
清涼山下且安禪

內鄉縣村路作

日下風高野路涼緩驅疲馬閣思鄉渭村秋物應如此  
棗赤梨紅稻穗黃

路上寄銀匙與阿龜

謫宦心都慣辭鄉去不難緣留龜子住涕淚一闌干小  
子須嬌養鄒婆爲好看銀匙封寄汝憶我卽加餐

山泉煎茶有懷

坐酌泠泠水看煎瑟瑟塵無由持一盃寄與愛茶人

郢州贈別王八使君

昔是詩狂客今爲酒病夫強吟翻悵望縱醉不歡娛  
鬢髮三分白交親一半無郢城君莫厭猶校近京都

吉祥寺見錢侍郎題名

雲雨三年別風波萬里行愁來正蕭索况見古人名

重到江州感舊遊題郡樓十一韻

掌綸知是忝剖竹信爲榮才薄官仍重恩深責尚輕昔  
徵從典午今出自承明鳳詔休揮翰漁歌欲濯纓還乘  
小艫音樓牒也却到古湓城醉客臨江待禪僧出郭迎  
青山滿眼在白髮半頭生又校三年老何曾一事成重



過蕭寺宿再上庾樓行雲水新秋思閭閻舊日情郡民  
猶認得司馬詠詩聲

贈江州李十使君員外十四韻

我本江湖上悠悠任運身朝隨賣藥客暮伴釣魚人迹  
為燒丹隱家綠嗜酒貧經過剡溪雪尋覓武陵人豈有  
疎狂性堪為侍從臣仰頭驚鳳闕下口觸龍鱗劍佩辭  
天上風波向海濱非賢虛偶聖無屈敢求伸昔去曾同  
自今來即後塵元和末與李員外同日黜中年俱白鬢  
任宦各朱輪長短才雖異榮枯事略均殷勤李員外不  
合不相親

題別遺愛草堂兼呈李十使君

李亦廬山人常隱白鹿洞

曾住爐峯下書堂對藥臺新羅徑合依舊竹窓開砌  
水親開決池荷手自栽五年方暫至一宿又須回縱未  
長歸得猶勝不到來君家白鹿洞聞道亦生苔

重題

泉石尚依依林疎僧亦稀何年辭水閣今夜宿雲扉謾  
獻長楊賦虛拋薜荔衣不能成一事贏得白頭歸

夜泊旅望

少睡多愁客中宵起望鄉沙明連浦月帆白滿船霜近  
海江彌濶迎秋夜更長煙波三十宿猶未到錢塘



九江北岸遇風雨

黃梅縣邊黃梅雨白頭浪裏白頭翁九江濶處不見岸  
五月盡時多惡風人間穩路應無限何事拋身在此中

舟中晚起

日高猶掩水窓眠枕簟清涼八月天泊處或依沽酒店  
宿時多伴釣魚船退身江海應無用憂國朝廷自有賢  
且向錢塘湖上去冷吟閒醉二三年

秋寒

雪鬢年顏老霜庭景氣秋病看妻檢藥寒遣婢梳頭身  
外名何有人間事且休澹然方寸內唯擬學虛舟

初到郡齋寄錢湖州李蘇州

聊取二郡一晒之故有落句之戲

俱來滄海郡半作白頭翁謾道風煙接何曾笑語同吏  
稀秋稅畢客散晚亭空霽後當樓月潮來滿座風雪直  
切水名在吳興溪殊冷僻茂苑太繁雄唯此錢塘郡閒忙恰得  
中

對酒自勉

五十江城守停杯一自思頭仍未盡白官亦不全卑榮  
寵事過分歡娛已校遲肺傷雖怕酒心健尚誇詩夜舞  
吳娘袖春歌蠻子詞猶堪三五歲相伴醉花時

郡樓夜宴留客



北客勞相訪東樓為一開卷簾待月出把火看潮來  
聽竹枝曲香傳蓮子杯寒天殊未曉歸騎且遲迴

醉題候仙亭

蹇步垂朱綬華纓映白鬚何因駐衰老只有且歡娛  
酒興還應在詩情可便無登山與臨水猶未要人扶

東院

松下軒廊竹下房暖簷晴日滿繩牀淨名居士經三卷  
榮啓先生琴一張老去齒衰嫌橘醋病來肺渴覺茶香  
有時間酌無人伴獨自騰騰入醉鄉

虛白堂

虛白堂前衙退後更無一事到中心移牀就月簷閒臥  
臥詠閒詩側枕琴

閒夜詠懷因招周協律劉薛二秀才

世名檢束為朝士心性疎慵是野夫高置寒燈如客店  
深藏夜火似僧爐香濃酒熟能嘗否冷澹詩成肯和無  
若厭雅吟須俗飲妓筵勉力為君鋪

晚興

極浦收殘雨高城駐落暉山明虹半出松閣鶴雙歸  
將吏隨衙散文書人務稀閒吟倚新竹筠粉汗朱衣

衰病



老與病相仍華簪髮不勝行多朝散藥睡少夜停燈  
食分供鶴朝衣減施僧性多移不得郡政謾如繩

病中對病鶴

困病病夫憐病鶴精神不損翅翎傷不堪再舉摩膏漢  
只合相隨覓稻梁但作悲吟和嘹唳難將俗貌對昂藏  
唯應一事宜為伴我髮君毛俱似霜

夜歸

半醉閒行湖岸東馬鞭敲鐙響瓏璁萬株松樹青山上  
十里沙堤明月中樓角漸移當路影潮頭欲過滿江風  
歸來未及笙歌散畫戟門開蠟燭紅

臘後歲前遇景詠意

海梅半白柳微黃凍水初融日欲長度臘都無苦霜霰  
迎春先有好風光郡中起晚聽衙鼓城上行懶倚女牆  
公事漸閒身且健使君殊未厭餘杭

白髮

雪髮隨梳落霜毛繞鬢垂加添老氣味改變舊容儀不  
肯長如漆無過總作絲最憎明鏡裏黑白半頭時

錢湖州以箬

如灼切

下酒李蘇州以五酸

大透切重釀酒

酒相次寄到無因同飲聊詠所懷

勞將箬下忘憂物寄與江城賣酒翁鐙脚三州何處會



白集 卷二十一  
幾頭一盞幾時同傾如竹葉盈樽綠飲作桃花上面紅  
莫怪殷勤醉相憶曾陪西省與南宮

花樓望雪命宴賦詩

連天際海白皚皚好上高樓望一迴何處更能分道路  
此時兼不認池臺萬重雲樹山頭翠百尺花樓江畔開  
素壁聯題分韻句紅爐巡飲暖寒盃冰鋪湖水銀爲面  
風卷汀沙玉作堆絳惹舞人春艷曳勾留醉客夜徘徊  
偷將虛白堂前鶴失却樟亭驛後梅別有故情偏憶得  
曾經窮苦照書來

晚歲

壯歲忽已去浮榮何足論身爲百口長官是一州尊不  
覺白雙鬢徒言朱兩轡病難施郡政老未答君恩歲暮  
別兄弟年衰無子孫惹愁諳世網治苦賴空門擊曾敢切手  
也帶知腰瘦看燈覺眼昏不緣衣食繫尋合返丘園

宿竹閣

晚坐松簷下宵眠竹閣閒清虛當服藥幽獨抵歸山巧  
未能勝拙忙應不及閒無勞別修道卽此是玄閒

歲暮枉衢州張使君書并詩因以長句報之

西州彼此意何如官職蹉跎歲欲除浮石潭邊停五馬  
望濤樓上得雙魚萬言舊手才難敵五字新題思有餘



貧薄詩家無好物反投桃李報瓊琚

和薛秀才尋梅花同飲見贈

忽驚林下發寒梅便試花前飲冷盃白馬走迎詩客去  
紅筵鋪待舞人來歌聲怨處微微落酒氣醺時旋旋開  
若到歲寒無雨雪猶應醉得兩三廻

與諸客空腹飲

隔宿書招客平明飲暖寒麴神寅日合酒聖卯時歡促  
膝纔飛白醅顏已渥丹碧籌攢米碗紅袖拂殷盤醉後  
歌尤異狂來舞不難拋盃語同坐莫作老人看

小歲日對酒吟錢湖州所寄詩

獨酌無多興閒吟有所思一杯新歲酒兩句故人詩楊  
柳初黃日髭鬚半白時蹉跎春氣味彼此老心知

錢塘湖春行

孤山寺北賈亭西水面初平雲脚低幾處早鶯爭暖樹  
誰家新燕啄春泥亂花漸欲迷人眼淺草纔能沒馬蹄  
最愛湖東行不足綠楊陰裡白沙堤

題靈隱寺紅辛夷花戲酬光上人

紫粉筆含尖火焰紅胭脂染小蓮花芳情鄉思知多少  
惱得山僧悔出家

重向火



火銷灰復死，踈葉已經旬。豈是人情薄，其如天氣春。  
寒忽再起，手冷重相親。却就紅爐坐，心如逢故人。

候仙亭同諸客醉作

謝安山下空，携妓柳惲洲邊。只賦詩爭及，湖亭今日會。  
嘲花詠水，贈蛾眉。

城上

城上，襲襲鼓朝衙，復晚衙。爲君慵不出，落盡遶城花。

早行林下

披衣未冠櫛，晨起入前林。宿露殘花氣，朝光新葉陰。  
傍松人迹少，隔竹鳥聲深。閒倚小橋立，傾頭時一吟。

送李校書赴寒食歸義興山居

大見騰騰詩酒客，不憂生計似君稀。到舍將何作寒食，  
滿船唯載樹栽歸。

題孤山寺山石榴花示諸僧衆

山榴花似結紅巾，容艷新妍占斷春。色相故關行道地，  
香塵擬觸坐禪人。瞿曇弟子君知否，恐是天魔女化身。

獨行

聞誦黃庭經，在口閒攜青竹杖。隨身晚花新筍，堪爲伴。  
獨入林行，不要人。

二月五日夜下作



白集 卷三  
二月五日花如雪五十二人頭似霜聞有酒時須笑樂  
不關身事莫思量義和趣日沉西海鬼伯驅人葬北邙  
只有且來花下醉從人笑道老顛狂

戲題木蘭花

紫房日照胭脂拆素艷風吹膩粉開怪得獨饒脂粉態  
木蘭曾作女郎來

清明日觀妓舞聽客詩

看舞顏如玉聽詩韻似金綺羅從許笑絃管不妨吟可  
惜春風老無嫌酒盞深辭花送寒食併在此時心

西湖晚歸回望孤山寺贈諸客

柳湖松島蓮花寺晚動歸橈出道場盧橘子低山雨重  
棕櫚葉戰水風涼煙波澹蕩搖空碧樓殿參差倚夕陽  
到岸請君回首望蓬萊宮在海中央

湖中自照

重重照影看容鬢不見朱顏見白絲失却少年無覓處  
泥他湖水欲何爲

贈蘇鍊師

兩鬢蒼然心浩然松窓深處藥爐前攜將道士通宵語  
忘却花光盡日眠明鏡懶開長在匣素琴欲弄半無絃  
猶言莊子多詞句只讀逍遙六七篇



杭州春望

望海樓明照曙霞

城東樓名望海樓

護江堤白蹋晴沙濤聲夜

入伍員廟柳色春藏蘇小家

紅袖織綾誇棟蓆

杭州出棟蓆花

者尤佳也青旗沽酒趁梨花

其俗釀酒趁梨花

誰開湖寺西

南路草綠裙腰一道斜

孤山寺路在湖州中

草綠時望如裙腰

飲散夜歸贈諸客

鞍馬夜紛紛香街起暗塵回鞭招飲妓分火送歸人風月應堪惜杯觴莫厭頻明朝三月盡忍不送殘春

湖亭晚歸

盡日湖亭臥心閒事亦稀起因殘醉醒坐待晚涼歸松

雨飄藤帽江風透葛衣柳堤行不厭沙軟絮霏霏

東樓南望八韻

不厭東南望江樓對海門風濤生有信天水合無痕鷁帶雲帆動鷗和雪浪翻魚鹽聚為市煙火起成村日脚金波碎峯頭鈿點繁送秋千里鴈報暝一聲猿已豁煩襟悶仍開病眼昏郡中登眺處無勝此東軒

醉中酬殷協律

泗水城邊一分散浙江樓上重遊陪揮鞭二十年前別命駕三千里外來醉袖放狂相向舞愁眉和笑一時開留君夜住非無分且盡青娥紅燭臺



孤山寺遇雨

拂波雲色重，洒葉雨聲繁。水鷺雙飛起，風荷一向翻。空濛連北岸，蕭颯入東軒。或擬湖中宿，留船在寺門。

樟亭雙櫻樹

南館西軒兩樹櫻，春條長足夏陰成。素華朱實今雖盡，碧葉風來別有情。

湖上夜飲

郭外迎人月，湖邊醒酒風。誰留使君飲，紅燭在舟中。

贈沙鷗

老逼教垂白，官科遣看緋。形骸雖有累，方寸却無機。遇

酒多先醉逢，山愛晚歸沙鷗。不知我猶避隼，旗飛

餘杭形勝

餘杭形勝四方無，州傍青山縣枕湖。遶郭荷花三十里，拂城松樹一千株。夢兒亭古傳名謝，教妓樓新道姓蘇。

州西靈隱山上有夢謝亭，即是杜明浦夢謝靈運之所，因名客兒也。蘇小小，本錢塘妓人也。獨有使

君年太老，風光不稱白髭鬚。

江樓夕望招客

海天東望夕茫茫，山勢川形瀾復長。燈火萬家城四畔，星河一道水中央。風吹古木晴天雨，月照平沙夏夜霜。能就江樓銷暑否，比君茅舍校清涼。



新秋病起

一葉落梧桐年光半又空秋多上階日涼足入懷風病  
瘦形如鶴愁焦鬢似蓬損心詩思裏伐性酒狂中華蓋  
何曾惜金丹不致功猶須自慙愧得作白頭翁

水芙蓉花下招客飲

晚涼思飲兩三盃召得江頭酒客來莫怕秋無伴醉物  
水蓮花盡木蓮開

悲歌

白頭新洗鏡新磨老逼身來不奈何耳裏頻聞故人死  
眼前唯覺少年多塞鴻遇暖猶回翅江水因潮亦反波

獨有衰顏留不得醉來無計但悲歌

江樓晚眺景物鮮奇吟翫成篇寄水部張員外  
澹煙疎雨間斜陽江色鮮明海氣涼  
蜃散雲收破樓閣  
虹殘水照斷橋梁風翻白浪花千片  
鴈點青天字一行  
好著丹青圖寫取題詩寄與水曹郎

夜招周協律兼答所贈

滿眼雖多客開眉復向誰少年非我伴  
秋夜與君期落魄  
魄俱耽酒殷勤共愛詩相憐別有意彼此老無兒

重酬周判官

秋愛冷吟春愛醉詩家眷屬酒家仙  
若教早被浮名繫



可得閒遊三十年

飲後夜醒

黃昏飲散歸來臥夜半人扶強起行枕上酒容和睡醒  
樓前海月伴潮生將歸梁燕還重宿欲滅窓燈却復明  
直至曉來猶妄想耳中如有管絃聲

代賣薪女贈諸妓

亂蓬爲鬢布爲巾曉蹋寒山自負薪一種錢塘江畔女  
着紅騎馬是何人

奉和李大夫題新詩二首各六韻

因嚴亭一作固嚴

箕穎人窮獨蓬壺路阻難何如兼吏隱復得事躋攀巖  
樹羅階下江雲貯棟閒似移天目石疑入武丘山清景  
徒堪賞皇恩肯放閒遙知與未足卽被詔徵還

忘筌亭

翠巘公門對朱軒野逕連只開新戶牖不改舊風煙空  
室閒生白高情澹入玄酒容同座勸詩借屬城傳自笑  
滄江畔遙思絳帳前庭臺隨事有爭敢比忘筌

予以長慶二年冬十月到杭州明年秋九月始

與范陽盧賈汝南周元範蘭陵蕭悅清河崔  
求東萊劉方輿同遊恩德寺之泉洞竹石籍



甚久矣及茲日擊果愜心期因自嗟云到郡  
周歲方來入寺半日復去俯視朱綬仰睇白  
雲有愧於心遂留絕句

雲水埋藏恩德洞簪裾束縛使君身慙來不宿歸州去  
應被山呼作俗人

早冬

十月江南天氣好可憐冬景似春華霜輕未殺萋萋草  
日暖初乾漠漠沙老柘葉黃如嫩樹寒櫻枝白是狂花  
此時却羨閒人醉五馬無由入酒家  
歲假內命酒贈周判官蕭協律

共知欲老流年急且喜新正假日頻聞健此時相勸醉  
偷閒何處共尋春脚隨周叟行猶疾頭比蕭翁白未勻  
歲酒先拈辭不得被君推作少年人

與諸客攜酒尋去年梅花有感

馬上同攜今日盃湖邊共覓去年梅年年只是人空老  
處處何曾花不開詩思又牽吟咏發酒酣聞喚管絃來  
樽前百事皆依舊點檢惟無薛秀才

去年與薛景文同賞今年長遊

醉送李協律赴湖南辟命因寄沈八中丞

富陽山底樟亭畔立馬停舟飛酒盃曾共中丞情繾綣  
暫留協律語踟躕紫微星北承恩去青草湖南稱意無



不羨君官羨君幕幕中收得阮元瑜

內道場永謹上人就郡見訪善說維摩經臨別

請詩因以此贈

五夏登壇內殿師水為心地玉為儀正傳金粟如來偈  
何用錢塘太守詩苦海出來應有路靈山別後可無期  
他生莫忘今朝會虛白亭中發藥時

見李蘇州示男阿武詩自感成詠

遙羨青雲裏祥鸞正引雛自憐滄海畔老蚌不生珠

正月十五日夜月

歲熟人心樂朝遊復夜遊春風來海上明月在江頭燈

火家家市笙歌處處樓無妨思帝里不合厭杭州

題州北路傍老柳樹

皮枯綠受風霜久條短為經攀折頻但見半衰當此路  
不知初種是何人雪花零碎逐年減煙葉稀疏隨分新  
莫道老株芳意少逢春猶勝不逢春

題清頭陀

頭陀獨宿寺西峯百尺禪菴半夜鐘煙月蒼蒼風瑟瑟  
更無雜樹對山松

自歎二首

形羸自覺朝餐減睡少偏知夜漏長實事漸消虛事在



白集  
卷五  
銀魚金帶遠腰光

二毛曉落梳頭懶  
兩眼春昏點藥頻  
唯有閒行猶得在  
心情未到不如人

湖上醉中代諸妓寄嚴郎中

笙歌杯酒正歡娛  
忽憶仙郎望帝都  
借問連宵直南省  
何如盡日醉西湖  
蛾眉別久心知否  
雞舌含多口厭無  
還有些些惆悵事  
春來山路見蘼蕪

自詠

悶發每吟詩引興  
興來兼酌酒開顏  
欲逢暇日先招客  
正對衙時亦望山  
勾檢簿書多鹵莽  
隄防官吏少機關

誰能頭白勞心力  
人道無才也是閒

晚興

草淺馬翩翩  
新晴薄暮天  
柳條春拂面  
衫袖醉垂鞭  
立語花隄上  
行吟水寺前  
等閒消一日  
不覺過三年

早興

晨光出照屋梁明  
初打開門鼓一聲  
犬上階眠知地濕  
鳥臨窓語報天晴  
半銷宿酒頭仍重  
新脫冬衣體乍輕  
睡覺心空思想盡  
近來鄉夢不多成

竹樓宿

小書樓下千竿竹  
深火爐前一盞燈  
此處與誰相伴宿



燒丹道士坐禪僧

湖上招客送春汎舟

欲送殘春招酒伴，客中誰最有風情。  
兩瓶箬下新開得，一曲霓裳初教成。  
時崔湖州寄新箬下酒來排比管絃行翠袖，  
指麾船舫點紅旌。慢牽好向湖心去，恰似菱花鏡上行。

戲醉客

莫言魯國書生懦，莫把杭州刺史欺。  
醉客請君開眼望，綠楊風下有紅旗。

紫陽花

招賢寺有山花一樹無人知名，色紫氣香，芳醞可愛，頗類仙物。以紫陽花名。

何年植之向仙壇，上早晚移栽到梵家。  
雖在人間人不識，與君名作紫陽花。

白氏長慶集卷第二十終



欲定於春... 行草... 便上行...

與... 向... 草... 人...

又...



